## 庫全書

子部

## 欽定四庫全書學部悉至

侍讀 臣孫球覆勘許塔監察御史臣到人店

終節監生 臣錢萬卷校對官中書臣牛卷文

了, 原一篇併載	撰集古今雪	史遷散騎告	挨實字令升	臣等謹杂地	提要	搜神記	欽定四庫全書
序一篇併載本傅是書隋唐志皆著録而宋	撰集古今靈祇神異人物變化為一書其自	史遷散騎常侍本傅稱寶感父婢再生事遂	挨實字令升新祭人元帝時以著作即領國	臣等謹案搜神記二十卷舊本題回晉干寶		小說家類二異聞之屬	子部十二

金分四尾人二 晁公武陳振孫諸家皆不載王應麟王海引 或云干實撰非也又胡震亨跋云此書有謝 崇文總目云搜神總記十卷不著撰人名氏 鎮西之稱放謝尚子移帝承和問加鎮西將 鎮西之號去書成時尚後二十餘年疑亦經 軍寶書成當示劉恢恢卒于明帝大寧問則 後人附益非寶之舊今考太平家守記青陵 臺條下引搜神記韓憑化蛱蝶事此本無之

LVANDIO ZILIO			年三月恭校上	傅疑今	為二故也	頸書李	皆宋初	勘驗太
抄神吧	總校官	總養官臣紀的臣	<b></b>	傳疑今姑仍舊題者之於録	為二故與崇文總目十卷之	質書李坊所引乃總記後人	皆宋初所修不知何以至異	勘驗太平廣記所引又一一
1	官臣陸 數 學	紀的臣陸錫能臣孫士教		録馬乾隆四十三	之數不合耳疑以	人傳寫每卷析而	異疑樂史所引乃	一與此本合二書

				金万里人人
				提要

後為信者固亦前史之所病然而國家不廢注記之官 之方冊猶尚若此况仰述千載之前記殊俗之表綴片 此觀之聞見之難由來尚矣夫書赴告之定解據國史 親聞都也又安敢謂無失實者哉衛朔失國二傳互其 言於殘闕訪行事於故老將使事不二迹言無異途然 雖考先志於載籍收遗逸於當時盖非一耳一目之所 搜神記原序 聞品望事周子長存其两說若此比類往往有馬從 建中巴

述亦足以發明神道之不証也學言百家不可勝題耳 學士不絕調覽之業豈不以其所失者小所存者大乎 金与正百百言 而已幸将求好事之士録其根體有以游心寓目而無 目所受不可勝載今粗取足以演人客之告成其微說 近世之事尚有虚錯願與先賢前儒分其機誇及其者 今之所集設有承於前載者則非余之罪也若使採訪 尤馬干寶令升

使冲化 王散以教神農能 石室中隨風雨上 實 撰

齊封子黃帝時人也世傳為黃帝 陶正有異人過之為 赤將子舉者黄帝時人也不食五穀而陷百草華至堯 金河四月台書 **偓佺者槐山採藥父也好食松實形體生毛長七寸兩** 之繳父 其掌人能出五色煙久則以殺封子封子積火自燒 **時為木工能隨風雨上下時於市門中賣緣故亦謂** 北山中故謂之寧封子 而随煙氣上下視其灰燼猶有其骨時人共葬之寧

師門者嘯父弟子也能使火食桃遊為孔甲龍師孔甲 彭祖者殷時大夫也姓錢名鏗帝顓頊之孫陸然氏之 簡松也時受服者皆三百歲 左右今日祠之武地則有兩虎跡 中子歷夏而至商末號上百歲常食桂芝歷陽有彭 目更方能飛行逐走馬以松子遺克克不服服松者 祖德室前世云禱請風雨莫不輕應常有兩虎在祠 不能修其心意殺而埋之外野一 建种记 旦風雨迎之山木

崔文子者泰山人也學仙于王子喬子喬化爲白說而 前周葛由野羌人也周成王時好刻木作年賣之 道故里諺曰得綏山 持樂與文子文子驚怪引及擊鲵中之因墮其藥俯 桃在峨眉山西南高無極也隨之者不復還皆得仙 立祠數十處 皆燔孔甲祠而禱之未還而死 來木半八獨中獨中王侯貴人追之上級山級山多 桃雖不能仙亦足以豪山下 旦

冠先宋人也釣魚為業居非水旁百餘年得魚或放或 琴高趙人也能鼓琴為宋康王舍人行涓彭之術浮游 日乃去宋人家家奉祠之 其道不告即殺之後數十年踞宋城門上鼓琴數十 賣或自食之常冠帶好種荔食其能實馬宋景公問 為大鳥開而視之翻然飛去 而視之王子喬之尸也置之室中覆以股管須臾化 冀州涿郡間二百餘年後辭入涿水中取龍子與諸 叟中記

金岁四月全重 陶安公者六安鑄治師也數行火火 有人入焦山七年老君與之木鬱使穿一盤石石厚五 去 弟子期之曰明日皆潔齊候于水旁設祠屋果乘赤 與天通七月上日迎汝以赤龍至時安公騎之從東 天公佚治下求哀須史朱雀止治上曰安公安公治 鯉魚出來坐祠中且有萬人觀之留一月乃復入水 南去城邑数萬人 人豫祖安送之皆解訣 朝散上紫色街

魯少千者山陽人也漢文帝當微服懷金過之欲問其 淮南王安好道術設厨率以候賓客正月上午有八 道少千柱金杖執象牙扇出應門 尺曰此石穿當得道積四十年石穿遂得神仙丹訣 形為八童子色如桃花王便見之威禮設樂以享入 好長生先生無駐東之術未敢以聞公知不見乃更 公詣門求見門吏白王王使吏自以意難之曰吾王 公接琴而丝歌曰明明上天照下上兮知我好道公 建神紀 老

劉根字君安京北長安人也漢成帝時公高山學道遇 金与四月全書 操是也 來下兮公將與余生毛羽兮升騰青雲蹈梁甫兮觀 形見不者加戮根曰甚易借府君前筆硯書符因以 見三光遇北斗分驅乘風雲使玉女兮今所謂淮南 異人授以秘訣遂得仙能召鬼顏川太守史祈以為 妖遣人召根欲戮之至府語曰君能使人見思可使 几須史忽見五六思縛二四於祈前祈熟視乃父

漢明帝時尚書郎河東王喬為葉命喬有神術每月朔 曾自縣指臺帝怪其來數而不見車騎密令太史候 **凫舉羅張之但得一隻為使尚書識視四年中所賜** 望之言其臨至時輛有雙鬼從東南飛來因伏伺見 孫不能光紫先祖何得罪神仙乃累親如此祈哀驚 尚書官屬優也 悲泣頓首請罪根默然忽去不知所之 母也向根叩頭曰小兒無狀分當萬死此祈日汝子 便神记 £,

前子訓不知所從來東漢時到洛陽見公鄉數十處皆 **多河四周全** 有百歲公說小兒時見訓賣樂會稽市顏色如此訓 持斗酒片脯候之曰遠來無所有示致微意坐上數 矣見者呼之日削先生小住並行應之視者遲徐而 百人飲啖終日不盡去後皆見白雲起從旦至暮時 不樂住浴遂遁去正始中有人於長安東霸城見與 走馬不及 一老公共摩娑銅人相謂曰適見鑄此已近五百歲

漢除生者長安渭橋下乞小兒也常於市中台市中 穀城鄉平常生不知何所人也數死而復生時人為不 苦以糞灑之旋復在市中乞衣不見污如故長吏知 平常生在此云復雨水五日火止止則上山求祠之 然後大水出所害非一而平帆在缺門山上大呼言 與美酒以免破屋之咎 之者家屋室自壞殺十數人長安中語言曰見七兒 之械收緊著桎梏而續在市气入械欲殺之乃去灑 使神記

多分四月全書 左慈宇元於廬江人也少有神通曾在曹公座公笑顧 衆賓曰今日萬會珍羞客備所少者吳松江鱸魚為 中須史引一鱸魚出公大拊掌會者皆驚公日一魚 膾放云此易得耳因求銅盤貯水以竹竿餌釣子盤 得鱸恨無獨中生盖耳放口亦可得也公恐其近道 尺餘生鮮可愛公便自前膽之周賜座席公曰今既 但見平衣杖革帶後數十年復爲華陰市門卒 不周座席得兩為住放乃復餌釣之須臾引出皆二 奉一

某月某日見人於肆下以公勃勃之後公出近郊士 勃增市二端後經成餘公使還果增二端問之云昔 買因曰吾昔使人至蜀買錦可勒人告吾使使增市 悉士其酒脯矣公怒陰欲殺放放在公座將收之却 百官百官其不醉飽公怪使尋其故行視沽酒家非 一端人去須史選得生薑又云於錦肆下見公使已 壁中霍然不見乃募取之或見于市欲捕之而市 從者百數於乃費酒一點脯一斤手自傾點行酒 叟神記

曹公不復相殺本武君術耳今既驗但欲與相見忽 為大患者以吾有身也及吾無身吾有何思哉者老 羊是競往赴之而奉羊數百皆變爲紙並屈前膝人 遂之遂走入羊孝公知不可得乃令就羊中告之曰 立云處如許於是遂莫知所取馬老子曰吾之所以 子之傳可謂能無身矣豈不遠也哉 皆放同形莫知誰是後人遇放于陽城山頭因復 一老紙屈前兩膝人立而言日處如許人即云此

孫策欲渡江襲許與于吉俱行時大旱所在鳩屬策催 諸將士使速引船或身自早出督切見將吏多在古 自早出而鄉不同憂戚安坐船中作鬼物態敗吾部 伍令當相除令人縛置地上暴之使請雨若能感天 收吉至呵問之曰天早不雨道路艱澀不時得過故 所策因此激怒言我為不如吉那而先趨附之便使 日中雨者當原放不爾行誅俄而雲氣上蒸庸寸而 合比至日中大雨總至溪澗盈溢將士喜悦以爲古 を中日

的分四件全書 介琰者不知何許人也住建安方山從其師白羊公社 坐彷彿見吉在左右意深惡之頗有失常後治瘡方 差而引鏡自照見古在鏡中顧而弗見如是再三撲 忽更與雲覆之明旦往視不知所在策既殺吉每獨 陵與吳主相聞吳主留琰乃為琰架宮廟一日之中 鏡大叫產皆崩裂須臾而死七郎 必見原並往慶慰策遂殺之将士哀惜藏其尸天夜 受古一無為之道能變化隱形當往來東海暫過秣

吳時有徐光者當行術於市里從人乞瓜其主勿與便 甚驗過大將軍孫絲門寨衣而趙左右睡踐或問 教吳王怒勃縛琰著甲士引弩射之弩發而絕縛猶 從索辨杖地種之俄而瓜生蔓延生花成實乃取食 **數遣人往問起居琰或為童子或為老翁無所食哈** 之因賜觀者鬻者及視所出賣皆亡耗矣凡言水旱 存不知琰之所之 不受餉遗吳主欲學其術琰以吳主多內御積月不 起中し

舒定匹庫全書 葛玄字孝先從左元放受九丹液仙經與客對食言及 變化之事容曰事畢先生作一事特戲者玄曰君得 故答曰流血臭腥不可耐絲問惡而殺之斬其首無 侍從皆無見者俄而景帝誅絲 車車為之倾見光在松樹上拊手指揮嗤笑之林問 血及絲麼幼帝更立景帝將拜陵上車有大風盪絲 客身亦不螫人久之玄乃張口蜂皆飛入玄瞬食之 無即欲有所見乎乃敬口中飯盡愛大蜂數百皆集 卷,

曾與吳主坐樓上見作請雨上人帝日百姓思雨寧 為客設酒無人傳杯杯自至前如或不盡杯不去也 是故飯也又指蝦蟆及諸行蟲熊雀之屬使舞應節 如人各為客設生瓜棗夏致水雪又以數十錢使人 晦冥大雨流淹帝曰水中有魚乎玄復書符擲水中 散投井中立以 可得乎玄曰雨易得耳乃書符著社中頃刻間天地 須臾有大魚數百頭使人治之 一器于井上呼之錢一 史神吧 飛從井出 †

吳猛濮陽人任吳為西安令因家分寧性至孝遇至人 多分四月全書 書符擲屋上有青鳥街去風即止或問其故曰南湖 有舟遇此風道士求救驗之果然西安令千處死己 手中白羽扇畫江水横流遂成陸路徐行而過過記 俱起後將弟子回豫章工水大急人不得渡猛乃以 丁義授以神方又得秋法神符道術大行當見大風 三日猛回數未盡當訴之于天遂臥屍旁數日與令 水復觀者駭異當守潯陽冬軍周家有狂風暴起猛

1. /· /· /· /· 漢董永千來人少偏孤與父居肆力田畝應車載自隨 園客者濟陰人也貌美邑人多欲妻之客終不娶當種 發一 草之上客收而為之以布生桑蠶馬至蠶時有神女 即書行擲屋上須史風靜 所如 夜至別客養蠶亦以香草食蠶得繭百二十頭大如 五色香草積数十年服食其實忽有五色神城止香 一胸線六上日乃盡樂記女與客俱仙去莫知 **搜神犯** 

織十日而罪女出門謂永日我天之織女也縁君至 孝天帝令我助君償債耳語畢凌空而去不知所在 勤致力以報厚德主日婦人何能永日能織主日火 與君矣永曰蒙君之惠父喪收藏永雖小人必欲服 爾者但令君婦為我織練百疋於是永妻為主人家 父亡無以葬乃自賣爲奴以供喪事主人知其賢與 婦人曰願爲子妻遂與之俱主人謂永曰以錢 萬遣之永行三年喪畢欲還主人供其奴職道 尽一

初鉤弋夫人有罪以龍死既獨屍不臭而者間十餘里 漢時有杜蘭香者自稱南康人氏以建業四年春數指 空無屍惟雙優存一 張傳傳年十七望見其車在門外婢通言阿母所生 獨絲優存馬 因葬雲陵上哀悼之又疑其非常人乃發家開視棺 六七說事遊然久遠有婢子二人大者萱支小者 授配君可不敬從傳先名改碩碩呼女前視可十 云昭帝即位改葬之棺空無死 建中化

多好四届全書 雲霄際東女侍羽儀不出塘宫外飘輪送我來宜復 畏風波辟寒温碩食二枚欲留一不肯令碩食盡言 來作詩日逍遥雲漢間呼吸發九嶷流汝不稽路弱 本為君作妻情無曠遠以年命未合其小乖大歲東 水何不之出箸顏子三枚大如雞子云食此令君不 **恥塵織從我與福俱嫌我與禍會至其年八月旦復** 方卵當還求君關香降時碩問禱祀何如香日消 细車青牛上飲食皆備作詩日阿母處靈戲時遊

魏濟北郡從事據弦超字義起以嘉平中夜獨宿夢有 早失父母天帝京其孤告遣令下嫁從夫超當其夢 者亡如此三四夕一旦顯然來遊駕**輻輧車從八**婢 神女來從之自稱天上玉女東郡人姓成公字知瓊 服綾羅綺繡之衣姿顏容體狀若飛仙自言年七十 自可愈疾淫祀無益香以樂爲消魔 視之如十五六女車上有壺榼青白瑠璃五具飲馅 也精爽感悟嘉其美異非常人之容覺寤欽想若存

多定正库全書 奇異饌具體酒與超共飲食問超日我天上玉女見 神人不爲君生子亦無妬忌之性不害君婚姻之義 遣下嫁故來從君不調君德宿時感運宜為夫婦不 遂為夫婦贈詩一篇其文曰飘浮勃逢敖曹雲石滋 飲食常可得遠味異語結素常可得充用不乏然我 能有益亦不能爲損然往來常可得駕輕車乗肥馬 之納我榮五族逆我致禍當此其詩之大較其文二 一英不須潤至德與時期神仙宜虚感應運來相

故其文言既有義理又可以占吉山獨揚子之太玄 薛氏之中經也超皆能通其旨意用之占候作夫婦 事五女遂求去云我神人也雖與君交不願人知而 夜來晨去倏忽若飛唯超見之他人不見雖居間室 經七八年父母為超娶婦之後分日而燕分夕而寢 君性疎漏我今本末己露不復與君通接積年交結 百餘言不能悉録兼註易上卷有卦有象以泰爲屬 **輒聞人聲常見蹤跡然不親其形後人怪問漏泄其** 史神記 十四一

多分四月全重 思義不輕一旦分别豈不憎恨勢不得不爾各自努 接綏同来至洛遂為室家剋復舊好至太康中 到濟北魚山下陌上西行遥望曲道頭有一車馬似 迅起憂感積日殆至委頓去後五年起奉都使至洛 知瓊驅馳前至果是也遂故惟相見悲喜交切控左 但不日日往來每於三月三日五月五日七月七日 又贈詩一首把臂告解涕泣流離肅然昇車去若飛 力又呼侍御下酒飲陷發簏取織成裙衫兩副遗超 卷一 档在

				之作神女賦	九月九日旦十五
<b>沙</b> 冲包					日颠下往來經
<u>+ 5.</u>					九月九日旦十五日朝下往來經宿而去張茂先為
	1	 	1		17

	·	,		 <u> </u>	<u>.</u> .	I	1 9-
搜神記卷一							多河四母全書
							老一
			·				

壽光侯者漢章帝時人也能刻百鬼衆鬼令自縛見形 欽定四庫全書 其鄉人有婦為鬼所病侯為幼之得大蛇数丈死於 過之亦墜侯劾之樹威夏枯落有大蛇長七八丈懸 門外婦因以安又有大樹樹有精人止其下者死息 搜神記卷二 半後常有數人終衣披髮持大相隨豈能劾之侯 死樹間章帝聞之徵問對日有之帝日殿下有怪夜 搜神記 千寶 旗

一多河口月全董 樊英隱於壺山皆有暴風從一西南起英謂學者日成都 者云是日大火有雲從東起須史大雨火遂減 時仆地無氣帝驚曰非鬼也朕相武耳即使解之或 市大甚威因含水嗽之乃命計其時日後有從蜀來 見數思傾地帝為口以相武耳解之而甦 此小怪易消耳帝偏使三人為之侯乃設法三人 走帝謂劉愚曰卿可除此否憑回可乃以青符擲之 云漢武帝時殿下有怪常見朱衣披髮相隨持燭而

趙柄當臨水求渡船人不許胸乃張惟盖坐其中長嘯 関中有徐登者女子化為丈夫與東陽趙炳並善方術 事之後登身故城東入長安百姓未知師乃昇等屋 時遭兵亂相遇於溪各於其所能登先禁溪水爲不 其惑衆收殺之民為立祠於永康至今蚊蚋不能 呼風亂流而濟於是百姓敬服從者如歸長安令惡 梧鼎而爨主人驚怪昞笑而不應屋亦不損 流腑次禁楊柳為生梯二人相視而笑登年長腑師

あ分四母全書 徐登趙炳貴尚清儉祀神以東流水削桑皮以為脯 宣城邊洪為廣陽領校母喪歸家韓友往投之時日已 陳節訪諸神東海君以織成青襦一領遺之 **落出告從者連裝東吾當夜去從者曰今日已與數** 留之不得其夜洪飲發狂絞殺两子并投婦又祈父 婢二人皆被創因走亡數日乃於宅前林中得之已 十里草行何急復去友曰此問血覆地寧可復住苦

晉永嘉中有天竺胡人來渡江南其人有數術能斷舌 鞠道龍善爲幻術當云東海人黄公善爲幻制蛇御虎 謝礼皆食客以朱書符投井中有一雙鯉魚跳出即命 常佩赤金刀及衰老飲酒過度秦末有白虎見於東 然後刀截血流覆地乃取置器中傳以示人視之舌 復續吐火所在人士聚觀將斷時先以舌吐示賓客 海沿遣黄公以赤刀往厭之術既不行遂為虎所殺 作膾一坐皆得偏 史中己

金分四月全書 絕縷之屬投火中衆共視之見其焼較了盡乃撥及 張口火滿口中因就藝取以炊則火也又取書紙及 體時人多疑以為幻陰乃武之與斷絹也其吐火先 中舉而出之故向物也 有樂在器中取火一片與泰館合之再三吹呼已而 對剪中斷之己而取兩斷合視網布還連續無異故 頭半舌猶在既而還取含續之坐有頃坐人見舌則 如故不知其實斷否其續斷取絹布與人各執 頭

戚夫人侍兒賈佩嗣後出馬扶風人段儒妻說在宫内 扶南王范尋養虎於山有犯罪者投與虎不噬乃有之 故山名大蟲亦名大靈又養鰐魚十頭若犯罪者投 者手不爛有罪者入湯即焦 曾養水令沸以金指環投湯中然後以手探湯其直 時當以弦管歌舞相歡好競為妖服以超良時十月 與鳄魚不噬乃赦之無罪者皆不噬故有鳄魚池 十五日共入靈女廟以豚黍樂神吹笛擊筑歌上靈 1.:-搜神犯

勝者終年有福負者終年疾病取絲縷就北辰星求 前花舒時并採並強禄黍米釀之至來年九月九日 長命乃免九月九日佩茱萸食達餌飲药花酒令人長命 相羁謂之相連殺八月四日出雕房北户竹下圍基 之曲既而相與連臂踏地為節歌赤鳳皇來乃巫俗 始熟就飲馬故謂之菊花酒正月上辰出池邊盥濯 也至七月七日臨百子池作于関樂樂軍以五色樓 食達餌以被妖邪三月上己張樂於流水如此終歲

~!!!!!! 漢北海營陵有道人能令人與已死人相見其同郡 漢武帝時幸李夫人夫人卒後帝思念不已方士齊 歌之 馬 立而望之偏娜娜何冉冉其來運命樂府諸音家經 李少翁言能致其神乃夜施惟帳明燈燭而令帝居 而步又不得就視帝愈益悲感爲作詩曰是耶非 他帳遥望之見美女居帳中如李夫人之狀還惺坐 慢伸兒 那

吳孫休有疾求現視者得一 多分四月全書 **苑中架小屋施林几以婦人後優服物著其上使現** 婦死已數年間而往見之曰願令我一見亡婦死不 **冢見婦棺益下有衣裾** 其相見之桁俄而得見之於是與婦言語悲喜思情 如生良久聞鼓聲恨恨不能得住當出户時忽掩 衣裾户間掣絕而去至後歲餘此人身亡家葬之開 恨矣道人曰卿可往見之者聞鼓聲即出勿留乃語 人欲武之乃殺鵝而埋于

吳孫峻殺朱主埋於石子岡歸命即位將欲改葬之家 墓相亞不可識別而官人頗識主亡時所著衣服 以實上 化作此相當候其真形而定不復移易不知何故 視之告曰若能說此家中鬼婦人形狀者當加厚賞 使雨亚各住 但見一白頭鳩立墓上所以不即白之疑是鬼神變 而即信矣竟日無言帝推問之急乃曰實不見有鬼 一歲以何其靈使家鑒之不得相近 定中记

夏侯弘自云見思與其言語鎮西謝尚所来馬忍死憂 坐須史馬忽自門外走還至馬尸間便減應時能動 去良久還日廟神樂君馬故取之今當活尚對死馬去良久還日廟神樂君馬故取之今當活尚對死馬 惱甚至謝日卿若能令此馬生者御真為見思也弘 長太息小住須更進一家上便止徘徊良久奄然 不見二人之言不謀而合於是開家衣服如之 紫白袷裳丹鄉絲優從石子岡上半岡而以手柳 時二人俱白見一女人年可三十餘上著青錦東頭時二人俱白見一女人年可三十餘上著青錦東頭

多为四月全書

車從十許人者青絲布袍弘前提牛鼻車中人謂弘 時誠有此事必於江陵見一大思提矛戟有隨從小 君風流令望不可使之絕祀車中人動容曰君所道 曰何以見阻弘曰欲有所問鎮西將軍谢尚無兒此 頃所見小鬼耳必不能辨此源由後忽逢一思来新 起行謝曰我無嗣是我一身之罰弘經時無所告日 正是僕兒年少時與家中婢通誓約不再婚而違約 今此婢死在天訴之是故無兒弘具以告謝曰吾心 史中包

多分四月全書 中惡輒用烏雞薄之者弘之由也 搜神記卷二 鬼數人弘畏懼下路避之大鬼過後捉得一小鬼問 不死者弘乃殺人殺鳥難以簿之十不失八九今治 何行思曰當至荆楊二州爾時比日行心腹病無有 曰治此病有方否思曰以烏雞海之即差弘日今欲 此何物曰殺人以此子戟若中心腹者無不朝死弘

漢水平中會稽鍾離意字子阿為魯相到官出私錢萬 とこうし 欽定四庫全書 搜神記卷三 男子張伯除堂下草土中得玉壁七枚伯懷其一以 丹書人莫敢發也意曰夫子聖人所以遺雜欲以懸 有懸甕意召孔訴問此何甕也對曰夫子甕也背有 六枚白意意命主簿安置几前孔子教授堂下床首 三千文付户曹孔訴修夫子車身入廟拭几席刻復 搜神記 晉 干實 撰

段翳字元章廣漢新都人也習易經明風角有一生來 多为正月全書 簡書封於筒中告生日有急發視之生到設前與吏 學積年自謂思究要術解歸鄉里翳為合膏樂并以 護吾車拭吾復發吾笥會稽鍾離意壁有七張伯藏 示後賢因發之中得素書文曰後世修吾書董仲 關頭破者以此膏裹之生用其言創者即愈 爭度津吏過破從者頭生開筒得書言到設的與吏 意即召問壁有七何藏 耶伯叩頭出之

右扶風膩仲英為侍御史家人作食設案有不清塵土 投行之炊臨熟不知釜處兵弩自行大從篋隱中起 内中侍御者名益喜與共為之誠欲絕般此狗遣益 亡之求不知處兩三日乃於園中糞下啼岩此非 衣物盡燒而篋隱故完婦女婢使一旦盡失其鏡數 喜歸鄉里仲英從之怪遂絕後徙為太尉長史遷魯 日從堂下鄉庭中有人聲言還汝鏡女孫年三四歲 汝南許季山者素善卜卦卜之曰家當有老青狗物 更冲犯

务员工用台書 太尉橋玄字公祖梁國人也初寫司徒長史五月末於 雖且孟京房無以過也然天性福俠盖於卜筮者間 中門臥夜半後見東壁正白如開門明呼問左右左 董彦與者即許李山外孫也其探隨索隱窮神知化 右其見因起自往手捫摸之壁自如故選狀復見心 相 來候師王叔茂請往迎之須臾便與俱來公祖虚禮 怖恐其灰應劭適往候之語次相告劭曰鄉人 有

10. T. 1 1 1 1 1 後為度遼將軍姓登三事 言甘誠有跟踏頗能别者願得從事公祖解讓再三 明太尉楊東暴薨七月七日拜鉅鹿太守鉅邊有金 郡以金為名位至將軍三公公祖日怪異如此殺族 爾乃聽之曰府君當有怪白光如門明者然不爲害 不服何能致望於所不圖此相競耳至六月九日未 也六月上旬雞明時間南家哭即吉到秋節遷北行 **盛饌下席行觞彦與自陳下土諸生無他異分幣重** 史神紀

管輅字公明平原人也善易卜安平太守東萊王基字 多分口四台言 此幸為占其吉凶軽日非有他禍直客官作舍久遠題 **魁罔雨共爲怪耳兒生便走非能自走直宋無忌之** 關為死鳥去有此三卦基大為日精義之致乃至於 蛇街筆小大共視須史便去又烏來入室中與驚头 婦人生一男墮地便走人電中死又狀上當有一 伯與家数有怪使軽筮之卦成輅曰君之卦當有賤 妖將其人電也大蛇街筆者直老書佐耳烏與舊關

者直老鈴下耳夫神明之正非妖能害也萬物之變 象而不見其凶故知假托之數非妖咎之徵自無所 非道所止也久遠之浮精火能之定數也今卦中見 憂也昔高宗之鼎非雉所雖太戊之階非桑所生然 原問輅君往者為王府君論怪云老書佐為蛇老鈴 而野鳥一雖武丁爲萬宗桑穀暫生大戊以與馬知 奸污累天真後卒無他遷安南督軍後略鄉里乃太 三事不爲古祥願府君安身養德從容光大勿以神 史中已

多分正月今言 意爲蒼狗斯亦至尊之位而爲點曝之類也况蛇者 爲小或小爲大固無優劣萬物之化一例之道也是 協辰已之位鳥者棲太陽之精此乃騰黑之明象白 日之流景如書佐鈴下各以後驅化為蛇鳥不亦過 乎夫萬物之化無有常形人之愛異無有定體或大 意乎格言尚非性與天道何由肯交象而任心胸者 以夏絲天子之父趙王如意漢高之子而終爲黃能 下為鳥此本皆人何化之微賤乎為見於爻象出君

ろうてし ハニー 管輅至平原見顏超貌主天亡顏父乃求軽延命輅日 汝汝但拜之勿言必合有人救汝顔依言而往果見 子歸

夏清酒 拜之南面坐者語曰適來飲他酒脯寧無情乎北坐 不顧數巡北邊坐者忽見顏在此曰何故在此顏惟 圍基顏置脯斟酒于前其人贪戲但飲酒食脯 圍暑次但酌酒置脯飲盡更掛以盡為度若問 一益虎脯一斤卯日川麥地南大桑树下有 搜神記

多、河四月日主 信都令家婦女驚恐更互疾病使格筮之輅曰君此堂 者曰文書已定南坐者曰借文書看之見超壽止可 南邊坐人是南斗南斗注生北斗注死凡人受胎皆 脚在壁外持矛者主刺頭故頭重滴不得樂也持弓 西頭有雨死男子一男持矛一男持弓箭頭在壁內 從南斗過北斗所有祈求皆向北斗 十九歲乃取筆桃上語曰救汝至九十年活顔拜而 回管語顏日大助子且喜得增毒北邊坐人是北斗

ここうし 利漕民郭恩字義博兄弟三人皆得慶疾使格筮其所 得二棺 由輅曰卦中有君本墓墓中有女思非君伯母當叔 夜來病人故使驚恐也於是掘其室中人也八尺果 箭者主射胸腹故心中懸痛不得飲食也畫則浮游 皆消爛但有鐵及角完耳乃徙骸骨去城二十里埋 母也昔饑荒之世當有利其數升米者排著井中 之無復疾病 棺中有矛一棺中有角弓及箭箭人遠木 皮肿丸

多河四月全書 淳于智字叔平齊北廬人也性深沈有思義少為書生 上黨鮑瑗家多喪病質苦淳于智卜之曰君安宅失宜 **嘖有聲推一大石下破其頭派魂冤痛自訴於天耳** 故今君因爾君舍東北有大桑樹君徑至市入門數 字可方一寸二分使夜露手以臥有大鼠伏死於前 指意甚惡之以問智智為筮之曰鼠本欲殺君而不 能易軍善厭勝之術高平到柔夜臥鼠臨其左手中 能當爲使其反死乃以朱書手脫横文後三寸爲田

熊人夏侯藻母病国籽詣智卜忽有一孤當門向之彈 當暴得財暖承言指市果得馬鞭懸之三年沒井得 無恙 錢數十萬銅鐵器復二萬餘於是紫用既展病者亦 **埠處拊心啼哭命家人驚怪大小畢出一人不出啼 叶藻大愕懼遂馳詣智智曰其禍甚急君連歸在於** 哭勿休然其禍僅可免也藻還如其言母亦扶病而 十步當有一人賣新鞭者便就買還以懸此樹三年

金豆四年全書 護軍張劭母病為智堂之使西出市冰猴繁母骨令傍 郭璞字景紀行至廬江勸太守胡孟康急回南渡康不 出家人既集堂屋五間拉然而崩 犬所咋死母病遂差 主人完散之主人晨起見赤衣人數千圍其家就視 則減甚惡之請撲為卦璞曰君家不宜畜此婢可于 促璞將促裝去之愛其婢無由得乃取小豆三斗繞 人超怕恒使作聲三日放去砌從之其猴出門即為 卷三

趙固所来馬忽死甚悲惜之以問郭璞璞曰可遣數 東南二十里賣之慎勿爭價則此妖可除也蹼陰令 投於井主人大悦璞攜婢去後數句而廬江陷 門見死馬跳梁走住死馬頭噓吸其鼻頃之馬即能 人持竹竿東行三十里有山林陵樹便攪打之當有 起奮迅嘶鳴飲食如常亦不復見向物固奇之厚加 殿買此婢復為投符於井中數千赤衣人一一自 杨出急宜持歸於是如言果得一物似猿持歸

多员四月全書 楊州別駕顧球姊生十年便病至年五十餘令郭璞筮 英華振動遊魂見龍車身被重累嬰妖邪法由斬祀 有犀鳥數千迴翔屋上人皆怪之不知何故有縣農 訪其家事先世曽伐大樹得大蛇殺之女便病病後 殺靈蛇非己之咎先人取案卦論之可奈何球乃迹 得大過之升其解曰大過卦者義不嘉家墓枯楊無 資給 行過舍邊仰視見龍牽車五色晃爛其大非常有項

義與方叔保得傷寒垂死令璞占之不吉令求白牛厭 西川貴孝先善軌革世皆知名有大若人王昊因貨殖 言足矣是志之及行途中遇大雨憩一屋下路人盈 捣得三斗米遇明即活遇脂即死再三戒之令誦此 至成都求為卦孝先日教住其住教洗其洗一石穀 遂滅 之求之不得唯年子玄有一白牛不肯借璞爲致之 即日有大白牛從西來徑往臨叔保驚惶病即愈 搜神記

多河 巴西 有言 驚呼隣里共視皆莫測其由遂被囚繫拷訊獄就不 塞乃思曰教住其住得非此耶遂冒雨行未幾屋遂 能自辨郡守録狀是泣言死即死矣但孝先所言終 得非此也堅不從妻怒不省自沐夜半反被害既覺 無驗耳左右以是語上達郡守命未得行法呼是問 乃夫也將脯呼吳洗沐重易巾鄉是悟曰教洗莫洗 旋歸將致毒謀是既至妻約其私人日今夕新沐者 顛覆獨得免馬是之妻已私鄰比欲媾終身之好俟

隗炤汝陰鴻壽亭民也善易臨終書板授其妻日吾亡 負言也亡後果大困欲賣宅者數矣億夫言輔止至 使來頓此亭姓襲此人負吾金即以此板往責之勿 後當大汽雖兩因慎莫賣完也到後五年春當有記 期有龔使者果止亭中妻遂貴板責之使者執板不 非康七乎由是辨雪誠遇明即活之效 此人也已而果然因謂像佐日一石穀捣得三斗来 日汝鄰比何人也曰康工遂遣人捕之殺汝妻者必 史神記

多分正月全書 善易故書板以寄意耳金五百斤盛以青點覆以銅 待太平所以不告兒婦者恐金盡而因無己也知吾 莫之間可謂鏡窮達而洞吉山者也於是告其妻日 命取着签之卦成抵掌數曰妙哉隗生含明隱迹而 吾不負金賢夫自有金乃知亡後當暫窮故嚴金以 **料埋在堂屋東頭去壁一大入地九尺妻還掘之果** 手書板見命如此不敢妄也使者沉吟良久而悟乃 知所言曰我平生不負錢此何緣爾邪妻曰夫臨亡 太三

韓太字景先廬江舒人也善占卜亦行京費厭勝之所 著愈牖間太附户作氣若有所驅須史間見囊大脹 **電數十病猶不差友筮之命作布囊俟女發時張囊** 如吹因决贬之女仍大發友乃更作皮囊二枚沓張 劉世則女病魅積年巫為攻禱代空家故城間得狸 得金皆如所卜 日漸消開視有二斤孤毛女病遂差 之施張如前囊後脹滿因急縛囊口懸者樹二十許

會稽嚴卿善卜筮鄉人魏序欲東行荒年多抄盜令卿 多定四样全書 **逆之卿曰君慎不可東行必遭暴害而非劫也存不** 信鄉日既以不停宜有以禳之可索西郭外獨母家 白雄狗繫著船前求索止得駁狗無白者鄉曰駁者 亦足然猶恨其色不純當餘小毒止及六畜軍耳無 自死序家無悉 所復憂序行半路狗忽然作聲甚急有如人打之者 比视已死吐黑血斗餘其夕序墅上白鵝數頭無故

沛國華化字元化一名專那那劉敷為河内太守有女 曳計向五十里乃以樂飲女女即安臥不知人因取 極黃色大一頭好馬二匹以絕繫大頭使走馬牽大 復發如此七八年迎伦使視伦曰是易治之當得稻 年幾二十苦脚左膝裏有瘡養而不病瘡愈數十日 馬極輛易計馬走三十餘里大不能行復令步人拖 大刀断犬腹近後脚之前以所斷之處向磨口令去二 一寸停之須臾有若蛇者從瘡中出便以鐵椎横贯

到定四样全書 **佗曾行道見一人病咽嗜食不得下家人車載欲往就** 醫作間其呻吟聲駐車往視語之曰向來道邊有賣 蛇頭蛇在皮中動摇良久須臾不動乃牽出長三尺 立吐蛇一 瘡中七日愈 搜神記卷三 餅家蒜韲大酢從取三升飲之病自當去即如作言 許純是蛇但有眼處而無童子又逆鱗耳以膏散著 一枚

蜀郡张宽字权文漢武帝時爲侍中從祀甘泉至渭橋 にこう ミ ノー 風伯雨師星也風伯者箕星也雨師者畢星也鄭玄謂 欽定四庫全書 帝後第七車者知我所來時寬在第七車對曰天星 有女子浴于渭水乳長七尺上怪其無遣問之女日 號屏一日玄冥 司中司命文星第四第五星也雨師一曰屏翳一 搜神記卷四 使冲电 干寶 撰

胡母班字季友泰山人也曾至泰山之側忽于樹間 文王以太公望爲灌擅令期年風不鳴條文王夢 金グロルる言 是日果有疾雨暴風從太公邑外而過文王乃拜太 公為大司馬 風疾雨大風疾雨是毀其德也文王覺召太公問之 王祭祀者齋戒不潔則女人見 人甚麗當道而哭問其故曰吾泰山之女嫁爲東海 欲歸今爲灌壇令當道有德廢我行我行必有大

ここう 有 騶復令閉目有頃忽如故道遂西行如神言而呼青 爲河伯婦班日朝當奉書不知緣何得達答日今適 見官室威儀甚嚴班乃入閣拜謁主為設食語班日 欲見君無他欲附書與女壻耳班問女郎何在日女 不須史果有一女僕出取書而沒少頃復出云河伯 河中流便扣舟呼青衣當自有取書者班乃辭出昔 終衣駒呼班云泰山府君召班驚愕逡巡未答復 一騎出呼之遂随行數十步駒請班暫照少頃便 史中も

**郵戶四月全書** 問大人何因及此父云吾死不幸見遣三年今已二 樹自稱姓名從長安選欲啟消息須臾昔駒出引班 還舟遂於長安經年而還至泰山側不敢潛過遂-於是命左右取吾青絲履來以貽班班出與然忽得 如向法而進因致書馬府君請曰當别再報班語記 欲暫見君婢亦請與目遂拜謁河伯河伯乃大設 如風忽見其父著械徒作比單數百人班進拜流涕 食詞古殷勤臨去謂班曰感君遠為致書無物相奉 酒

是解出還家歲餘兒子死亡客盡班惶懼復詣泰山 **气免此役便欲得社公耳班乃依教叩頭陳气府君** 還家兒死亡至盡今恐禍故未已報來啟白幸紫哀 扣樹求見昔騶遂迎之而見班乃自說昔解曠批及 年矣因苦不可處知汝今為明府所識可為吾陳之 **投府君拊掌大笑曰昔語君死生異路不可相近故** 日生死異路不可相近身無所惜班苦請方許之於 即勃外召班父须史至庭中問之昔求還里社當 史中已

吳餘杭縣南有上湖湖中央作塘有一人乗馬看戲將 宋時弘農馬夷華陰潼鄉院首人也以八月上庚日渡 **多片四月全** 為門户作福而孫息死亡至盡何也答云久別鄉里 三四人至岑村飲酒小醉暮還時炎熟因下馬入水 自忻得還又遇酒食充足實念諸孫召之於是代之 死不可治船遠行溺没不返 河溺死天帝署為河伯又五行書曰河伯以庚辰日 父涕泣而出班遂還後有兒皆無悉

車後二十人至呼上車云大人暫欲相見因迴車而 去道中釋絡把火見城郭邑居既入城進廳事上有 中桃石眠馬斷走歸從人悉追馬至暮不返眠覺日 衛煩多相對於然動行酒笑云僕有小女頗聰明欲 信幡題云河伯信俄見一人年三十許顔色如畫侍 已向脯不見人馬見 那得忽相聞復有一少年年十三四甚了了乗新車 拜日既向墓此間大可畏君作何計因問女郎何姓 史中已 一婦來年可十六七云女郎 再

部分四月全世 侵及皆精好又給十小吏青衣數十人婦年可十 中婚放白已辨遂以絲布單衣及紗袷絹裙紗衫禪 有限發遣去婦以金甌麝香囊與婿別涕泣而分又 相迎此人歸家遂不肯別婚辭親出家作道人所得 與錢十萬樂方三卷云可以施功布德復云十年當 以給君箕窩此人知神不敢拒逆便動備辨會就郎 三卷方一卷脉經一卷湯方一卷丸方周行救療皆 九姿容婉媚便成三日經大會容拜閣四日云禮既

秦始皇三十六年使者鄭容從關東來將入函關西至 龍死 過錦池見一大梓下有文石取以欵梓當有應者即以書 致神驗後母老兄喪因還婚官 與之容如其言以石欵梓樹果有人來取書明年祖 吾華山使也願託一贖書致錦也君所子之咸陽道 而待之遂至問鄭容曰安之答曰之咸陽車上人曰 華陰望見素車白馬從華山上下疑其非人道住止 变神犯 五

張璞字公直不知何許人也為吳郡太守假還道由廬 多定四月全書 意妻覺怪之婢言其情於是妻懼催璞速發中流舟 妻因以璞七兄孤女代之置席水中女坐其上船乃 夜璞妻夢廬君致聘曰鄙男不肖感垂採擇用致微 山子女觀於祠室婢使指像人以戲日以此配汝其 不為行闔船震恐乃皆投物於水船猶不行或曰投 奈何璞日吾不恐見之乃上飛廬卧使妻沉女于水 則船為進皆曰神意已可知也以一女而減一 卷四

官亭湖孤石廟曾有估客下都經其廟下見二女子云 らしてこうこと 建康小吏曹著為廬山使所迎配以女婉者形意不安 屡屡求請退婉潜然岳涕賦詩序别并贈織成禪衫 悉還二女後問女言但見好屋吏卒不覺在水中也 盧君主簿也盧君谢君知思神非匹又敬君之義故 得去蹼見女之在也怒曰吾何面目於當世也乃復 投已女及得渡遥見二女在下有吏立於岸側日吾 可為買兩量絲優自相厚報估客至都市好絲優并 搜神丸

金月四月全書 南州人有遣吏獻犀籍於孫權者舟過官亭廟而乞靈 魚長三尺躍入舟剖之得簪 馬神忽下殺日須汝母籍吏惶遽不敢應俄而母籍 箱盛之自市書刀亦內箱中既還以箱及香置廟中 得已遂行自分失曆且得死罪比達石頭忽有大鯉 已前列矣神復下数曰俟汝至石頭城返汝簪吏不 腹得書刀馬 而去忘取書刀至河中流忽有鯉魚跳入船内破魚 太四

とこうこ **廬陵歐明從賈客道經彭澤湖每以舟中所有多少投** 那撲過江宣城太守殷祐引為祭軍時有 荆山暫來過我不須觸之遂去不復見 牛灰色半脚脚類象胸前尾上皆白大力而遲鈍來 湖中云以爲禮積數年後復過忽見湖中有大道上 之盡名曰驢鼠卜適了伏者以戟刺深尺餘郡紀網 到城下泉咸怪焉祐使人伏而取之命蹼作卦遇逐 一利請殺之巫云廟神不悦曰此是却亭驢山君鼠使至 1.1. 搜神犯 上

金河四月白香 益州之西雲南之東有神祠剋山石為室下有神奉祠 多風塵有數吏来車馬來候明云是青洪君使要須 史達見有府舍門下吏卒明甚怖吏曰無可怖青洪 求如願耳明既見青洪君乃求如願使逐明去如願 君感君前後有禮故要君心有重遺君者君勿取獨 者青洪君婢也明將歸所願軟得數年大富 淨不牢殺諸祈禱者持一百錢一雙筆一九墨置石 之自稱黄公因言此神張良所受黄石公之靈也清

沛國戴文謀隱居陽城山中曾於客堂食際忽間有神 永嘉中有神見究州自稱樊道基有姬號成夫人夫人 室中前請乞先聞石室中 疑我也文乃跪曰居貧恐不足降下耳既而灑掃設 言便具語吉凶不見其形至今如此 呼曰我天帝使者欲下憑君可乎文聞甚驚又曰君 好音樂能彈箜篌聞人紋歌輒便起舞 朝夕進食甚謹後於室内竊言之婦日此恐是好 变神记 有聲頂史問來人何欲既

糜竺字子仲東海朐人也祖世貨殖家 貨巨萬常從洛 多坛四样全書 東海麋竺家感君見載故以相語竺因私請之婦曰 歸未至家數十里見路次有一好新婦從些求寄載 相從方欲相利不意有疑心異議文解謝之際忽堂 随之東北入雲而去遂不見 行可二十餘里新婦謝去謂空日我天使也當往烧 上如数十人呼聲出視之見一大鳥五色白鳩數十 **雅憑依耳文曰我亦疑之及祠變之時神乃言曰吾** 

ラノニン ニュー・ハー 漢宣帝時南陽陰子方者性至孝積恩好施喜祀電腦 繁昌家凡四侯牧守數十故後子孫當以臘日祀電 而薦黄羊馬 於非君子方當言我子孫必將疆大至識三世而遂 祀之自是已後暴至巨富田七百餘項與馬僕肆比 日晨炊而電神形見子方再拜受慶家有黄羊因以 **竺乃急行歸達家便移出財物日中而大大發** 不可得不烧如此君可快去我當緩行日中火火發 使神記

豫章有戴氏女久病不差見一小石形像偶人女謂曰 吳縣張成夜起忽見一婦人立於宅南角舉手招成日 多岁四月百百 為巫故名戴侯祠 爾有人形宣神能差我宿疾者吾將重汝其夜夢有 作白粥泛膏於上以後年年大得蠶今之作膏糜像 此 此是君家之蠶室我即此地之神明年正月十五宜 人告之吾將祐汝自後疾漸差遂為立祠山下戴氏

搜神記卷四				多分四月全書
四				
				各四
1				

, '

蔣子文者廣陵人也皆酒好色佻達無度常自謂己骨 欽定四庫全書 清死當為神漢末為秣陵尉逐賊至鍾山下賊擊傷 文于道来白馬執白羽侍從如平生見者驚走文追 額因解殺縛之有頃遂死及吳先主之初其故吏見 搜神記卷五 姓為我立祠不爾將有大咎是歲夏大疫百姓竊相 之謂曰我當爲此土地神以福爾下民爾可宣告百 干實

多定正庫全書 恐動頗有竊祠之者矣文又下巫祝吾將大改祐孫 如塵蛮入耳皆死醫不能治百姓愈恐孫主未之信 次弟子緒爲長水校尉皆加印綬爲立廟堂轉號鍾 也又下巫祝若不祀我将又以大大為災是歲大災 不爲厲宜有以撫之於是使使者封子文爲中都侯 **氏宜為我立祠不滿將使蟲入人耳為炎俄而小蟲** 山為将山今建康東北将山是也自是災隔止息百 一日數十處火及公官議者以爲鬼有所歸乃 **尽**五

咸寧中太常鄉韓伯子某會稽內史王縊子某光禄大 劉赤父者夢將侯召爲主簿期日促乃往廟陳請母老 請樂過自代因叩頭流血廟祝日特願相屈魏過何 子弱情事過切气蒙放恕會稽魏過多材藝善事神 等醉各指像以戲自相配匹即以其夕三人同夢將 姓遂大事之 人而有斯舉赤父固請終不許尋而赤父死馬 劉耽子其同遊將山廟廟有數婦人像甚端正其 史中と

多定匹库全書 會稽鄭縣東野有女子姓吳字望子年十六姿容可爱 其鄉里有解鼓舞神者要之便往緣塘行半路忽見 乞哀又俱夢將候親來降已曰君等既已顧之實貪 果各得此夢符協如一於是大懼備三性指廟謝罪 會對剋期垂及豈容方更中悔經少時並亡 某日悉相奉迎某等以其夢指適異常武往相問而 侯遣傳教相聞曰家子女並聰陋而猥無榮顧斬刻 貴人端正非常貴人乘船挺力十餘整頓令人問

陳郡謝玉為鄉邪內史在京城所在虎暴殺人甚衆有 數里頗有神驗 船中貴人嚴然端坐即將侯像也問望子來何運因 望子欲何之具以事對貴人云今正欲往彼便可 神便絕姓來 擲 船共去望子解不敢忽然不見望子既拜神座見向 下之當思敬鯉 7 ... 7... 兩橋與之數數形見遂隆情好心有所欲朝空中 一邑共事奉經三年望子忽生外意 雙鮮鯉隨心而至望子芳香流聞 皮神記

多员四月至 之尊其人隨之當復二十里見大樹既至一穴虎子 聞行聲謂其母至皆走出其人即其所殺之便拔刀 事將侯乃與求助如此當行十里忽如有一黑衣爲 其婦上岸便為虎將去其夫拔刀大與欲逐之先奉 隱樹側住良久虎方至便下婦若也倒牽入穴其人 行大為不易可止避宿也相問訊既畢運將適還去 所將出語云此間頃來甚多草穢君載細小作此輕 人以小船載年少婦以大刀插著船扶養來至運

-1 Jan 1- --淮南全椒縣有丁新婦者本丹陽丁氏女年十六道全 椒謝家其姑嚴酷使役有程不如限者仍便答插 爲草木傷耳扶歸還船明夜夢一人語之曰將侯使 于巫祝曰念人家婦女作息不倦使避九月九日 助汝知否至家殺猪祠馬 以刀當腰斫斷之虎既死其婦故活向晚能語問之 云虎初取便負著背上臨至而後下之四體無他止 堪九月九日乃自經死遂有靈嚮聞於民間發言 叟中也 

金岁四月全書 鬼神非人也自能得過然宜使民間粗相聞知翁之 許安處不著船中徑渡之至南岸臨去語翁日吾是 用作事見形著總衣戴青益從一婢至牛渚津求渡 所知汝是人當使汝入泥死是鬼使汝入水便却 有兩男子共來船捕魚仍呼求載兩男子笑共調弄 無裝豈可露渡恐不中載耳嫗言無苦翁因出章中 之言聽我爲婦當相渡也丁嫗曰謂汝是佳人而無 須史有一老翁乗船載章嫗從索渡翁日船 卷五

散騎侍郎王祐疾因與母解決既而聞有通賓者曰某 數跳躍水邊風吹至岸上省遂棄華載魚以歸於是 去必有所見亦當有所得也翁曰恐燥濕不至何敢 作事咸以爲息日也今所在祠之 蒙謝翁還西岸見两男子覆水中進前數里有魚干 厚意出華相波深有輕感當有以相謝者若翁速還 郡某里某人皆為别獨祐亦雅聞其姓字有頃在然 · 嫗遂選丹陽江南人皆呼爲丁姑九月九日不用 鬼中包

多分四月全書 來至曰與鄉士類有自然之分又州里情便疑然今 趙公明府參佐至此倉卒見御有高門大屋故來投 與卿相得大不可言祐知其思神曰不幸疾寫死在 有一旦死亡前無供養遂秋歇不能自勝其人愴然 年國家有大事出三將軍分布徵發吾等十餘人爲 相付如此地難得不宜解之祐曰老母年高兄弟無 死者不緊生時貴賤吾今見領兵三十須鄉得度簿 夕遭鄉以性命相託答日人生有死此必然之事 卷五

當以水解之因取一 答曰大老子業已許鄉當復相欺耶見其從者數百 去明日更來其明日又來祐日鄉許活吾當卒恩否 酒食辭曰不須因復起去謂祐日病在人體中如火 諸思聞鼓聲皆應節起舞振袖颯颯有聲祐將為設 辭哀苦然則鄉國士也如何可命死吾當相爲因起 日鄉位為常伯而家無餘財向間與尊夫人辭訣言 皆長二尺許烏衣軍服赤油為誌祐家擊鼓禱祀 一杯水發被灌之又日爲鄉留

多足匹库全書 悉初有妖書云上帝以三將軍趙公明鍾士季各督 時祐得安眠夜中忽覺乃呼左右令開被神以水灌 不浸如露之在荷量之得三升七合於是疾三分愈 我將大沾濡開被而信有水在上被之下下被之上 筆十餘枝在為下可與人使簪之出入辟惡災舉事 皆無悉因道曰王甲李乙吾皆與之遂執祐手與解 年後乃亡所道與赤筆人皆經疾病及兵亂皆亦無 一數日大除凡其所道當取者皆死亡唯王文英坐

漢下邳周式當至東海道逢一吏持 數鬼下取人莫知所在祐病差見此書與所道趙公 明合馬 吏還式猶視書吏怒曰故以相告而忽視之式叩 流血良久吏曰感卿遠相載此書不可除卿名今日 之去後式盜發視書皆諸死人録下條有式名須臾 十餘里謂式曰吾暫有所過留書寄君船中慎勿發 已去還家三年勿出門可得度也勿道見吾書式還 史中已 一卷書求寄載行

多定正庫全書 南頓張助於田中種木見李核欲持去顧見空桑中 **式不得已適出門便見此吏吏曰吾令汝三年勿出** 汝無可奈何後三日日中當相取也式還涕泣具道 而今出門知復奈何吾求不見連累為鞭杖今己見 不出己二年餘家皆怪之鄰人卒亡父怒使往吊之 如此父故不信母晝夜與相守至三日日中時果見 來取便死 土因植種以餘漿溉灌後人見桑中反復生李轉相

王养居攝劉京上言齊郡臨淄縣昌興亭長车當數夢 赫其下車騎常數千百酒內滂沱間一歲餘張助遠 出來還見之驚云此有何神乃我所種耳因就斫之 豚目痛小疾亦行自愈衆犬吠聲盲者得視遠近翕 告語有病目痛者息陰下言李君令我目愈謝以 新井出亭長起視事中果有新井入地百尺 曰吾天使也攝皇帝當為真即不信我此事中當有 使神化 謂

搜神記卷五	THE CHARLES THE CALLERY
	惠五
•	

## 欽定四庫 搜神記卷六至

侍讀 正孫球覆勘群校官監察仰史日到人家

終野官中書臣件総文總校官無吉士臣何思釣

勝绿監生 臣周

牧

行通於五事雖消息升 可得域而論矣 杜稷七也故會稽山陰 山七周顯王三十 留昌邑社亡京房易

多点四月全書 時東武縣山亦一夕自七去識其形者乃知其移來 為易世變號說日善言天者必質於人善言人者必 者不與或禄去公室賞罰不由君私門成奉不於當 事未詳其世尚書金滕日山徙者人君不用道士賢 今怪山下見有東武里蓋記山所自來以爲名也又 鄉那中有怪山世傳本鄉那東武海中山也時天夜 交州脆州山移至青州凡山徙皆不極之異也此二 風雨晦冥旦而見武山在馬百姓怪之因名曰怪山

· 1 雪立而爲虹霓此天之常數也人有四肢五臟 本於天故天有四時日月相推寒暑迭代其轉運也 達則五緯盈縮星辰錯行日月薄蝕彗寺流飛此天 發而為聲音此亦人之常數也若四時失運寒暑乖 地之危於也寒暑不時此天地之然否也石立土踊 和而為雨怒而為風散而為露亂而為霧凝而為霜 此天地之瘤發也山崩地陷此天地之癰疽也衝風 **寐呼吸吐納精氣往來流而爲樂衛彰而爲氣色** 史神記 覺

晉獻公二年周惠王居於鄭鄭人入王府多蜕化爲城 周宣王三十三年幽王生是歲有馬化為於 商紂之時大龜生毛兔生角兵甲將與之象也 多分四月至重 周隱王二年四月齊地暴長長大餘高一尺五寸京房 暴雨此天地之奔氣也雨澤不降川漬涸竭此天地 射人 易妖日地四時暴長占春夏多古秋冬多凶歷陽之 之焦枯也

魯莊公八年齊襄公田於貝丘見承從者曰公子彭生 周烈王六年林碧陽君之御人産二龍 周哀王八年鄭有一婦人生四十子其二十人為人 生三子 運斗樞曰邑之淪陰吞陽下相屠馬 也公怒射之豕人立而號公懼墜車傷足喪優到向 十人死其九年晉有豕生人吳赤烏七年有婦人 一夕淪入地中而為水澤今歷湖是也不知何時 世仲化

魯定公元年有九蛇統柱占以為九世廟不祀乃立場 魯昭公十九年龍關於鄭時門之外有淵劉向以為近 魯莊公時有內蛇與外蛇關鄭南門中內蛇死劉向以 多分四届全营 宫 龍尊也京房易傳回衆心不安厥妖龍關其色中也 爲近蛇孽也京房易傳曰立嗣子疑厥妖蛇居國門 翽 以馬近承禍也

秦孝文王五年遊朐行有獻五足牛時秦世大用民力 とこう シャー・シャー 秦孝公二十一年有馬生人昭王二十年壮馬生子而 魏襄王十三年有女子化高丈夫與妻生子京房易傳 牡馬生子上無天子諸侯相伐厥妖馬生人 爲男婦政行也 子兹謂陰勝陽厥咎亡一曰男化爲女宫刑濫女化 日女子化為丈夫兹謂陰昌殿人為王丈夫化爲女 死劉向以爲皆馬禍也京房易傳曰方伯分威厥妖 搜神記

溪惠帝二年正月癸酉旦有兩龍現於蘭陵廷東里温 秦始皇二十六年有大人長五丈足優六尺凡十二人 金元之口人口一 漢文帝十二年吳地有馬生角在耳前上向右角長三 陵井中至乙亥夜去京房易傳曰有德遭害厥妖龍 天下叛之京房易傳曰與蘇役奪民時厥妖牛生五 見井中又曰行刑暴惡黑龍從井出 見於臨洮乃作金人十二以象之

文帝後元五年六月齊雅城門外有狗生角京房易傳 漢景帝二年九月膠東下密人年上十餘生角角有毛 and the second section is 易上政不順厥妖馬生角兹謂賢士不足又曰天子 吳不當舉兵向上也吳將反之變云京房易傳日臣 寸左角長二寸皆大二寸劉向以爲馬不當生角猶 親伐馬生角 日執政失下將害之厥妖狗生角 京房易傳日家牢專政厥妖人生角五行志以為人 搜神記

漢景帝三年邯鄲有狗與風交是時趙王悖亂遂與六 景帝三年十一月有白頸烏與黑烏草關楚國吕縣白 多分四月全書 上國之難至晉武帝泰始五年元城人年七十生角 國反京房易傳曰夫婦不嚴厥妖狗與豕交兹謂反 **殆越王倫篡亂之應也** 不當生角插諸侯不敢舉兵以向京師也其後遂 德國有兵革 頸不勝墮泗水中死者數千劉向以為近白黑祥

. 7 . 2 易 俱 將 死 而 者 時楚王戊暴逆無道刑辱申公與吳謀反鳥 傳 走、 五 有 反也又有一鳥 死 師 烏鵲 行 至於 水 曰逆 戰之象也白頸者小 地王戊 志以為楚照皆骨肉 丹 鬬 親 死之 親 徒 厥 為 不 悟遂舉 祥 越 妖白黑鳥關 度神記 鵲 行 人所 同 鬭 兵應吳與漢大 於熊宫中 斬 明 而占合此天人之 籓 墮 1] 於 者敗也 臣 泗 國中 驕恐而謀 水之效也京 池上鳥 游 隆於 六 戰 王旦之 堕 明 兵 水 羣 不 败 者

景帝十六年梁孝王田 溪 多りで元 武帝太始 鳥鵲 死天道 死焚炕 故 劉 也熊陰謀未發 牛 向以為近 鬭 禍 石里 作 精微之效也京房易傳曰额 陽 舉兵軍 足 四年七月超有蛇 牛 而 出 禍内 獨王自殺于宫故一鳥而 于背下好上之象也 師大敗于野故烏衆 則思慮霧亂外 北 山有獻牛足上出背上 從郭外入與邑中 則土功 征 叔叔厥 而 金色 水色 週 制 者 者 妖

**昭**帝 漢 昭帝 回 中 鬬 日 **謀不原情厥妖鼠舜門** 江充起 往視之有大石自立高大五尺大四十八圍 元鳳三年正月泰山燕菜山南沟沟有數千 孝文廟下邑中蛇死後二年秋有衛太子事自趙 王往視之鼠舞如故王使吏以酒 元鳳元年九月熊有黃鼠街其尾舞王宫端 一夜死時熊王旦謀反將死之象也京房易傅 度神し 脯 祠鼠舞一 Ŀ 不 聲 地 門

昭帝時昌邑王賀見大白狗冠方山冠而無尾至熹 昭帝時上林苑中大柳樹断什地一 免 只四月 月 深 府門或見之者莫不驚怪京房易傳曰君不正臣 蟲食其葉成文字曰公孫病已立 中省內冠狗帶綬以為笑樂有一狗突出走入司空 中與之瑞也 厥妖狗冠出朝 八尺三石為足石立處有白鳥數千集其旁宣帝 朝起立生枝紫有 平

宣帝之世熊岱之間有三男共取 つこう 豆 專 雞 夷之世知時而傷或衆在位殿妖雞生角又曰婦 分妻子而不可均乃致爭訟廷尉范延壽斷之曰 角者五行志以為王氏之應京房易傳曰賢者居 化而不鳴不將無距元帝初元元年丞相府史家此 政國不静北雞雄鳴主不崇 伏子漸化為雄冠距鳴將至永光中有獻雄 帝黃龍元年未央殿輅幹中雌雞化為雄毛衣愛 2021 搜神記 婦生四子及至 雞 將 明

をいてんんこ 漢元帝永光二年八月天雨草而柴相移結大如彈 元帝建昭五年兖州刺史浩賞禁民私所自立社山陽 來之驗也 非 母宣帝嗟嘆日事何必古若此則可謂當於 傅曰君各於禄信衰賢去厥妖天雨草 至平帝元始三年正月天雨草狀如永光時京房易 情也延壽益見人事而知用刑矣未知論 類當以禽獸從母不從父也請戮三男以兒還 理 而 妖 厭 将

たくこう 漢成帝建始四年九月長安城南有鼠街黃素稻葉 晝邑今正書去穴而登木象·賤人将居貴題之占桐 鼠矢數十時議臣以為恐有水災鼠盜竊小蟲夜出 民冢栢及榆樹上為巢桐栢尤多巢中無子皆有乾 栢衞思后園所在也其後趙后自微賤登至尊與衞 應耳 說曰凡枯斷復起皆廢而復與之象也是世祖之 索茅鄉社有大槐樹吏伐斷之其夜樹復立故處 1.1 -搜神九

后同類趙后然無子而為害明年有為焚巢殺子之 成帝河平元年長安男子石良劉音相與同居有如人 成帝河平元年二月庚子泰山山桑谷有戴焚其巢男 子孫通等聞山中草鳥戴鹊聲往視之見災難盡墮 月乃止其於洪範皆大禍言不從之谷也 **弩至良家良等格擊或死或傷皆狗也自二月至六** 狀在其室中擊之為狗走出去後有數人披甲持弓 象云京房易傳曰臣私禄罔干飲妖鼠巢

成帝水始元年二月河南街郵樗樹生枝如人頭眉目 いしいでしてい 成帝鴻嘉四年秋雨魚於信都長五寸以下至永始元 年春北海出大魚長六丈萬一丈四枝哀帝建平三 年東菜平度出大魚長八大高一大一尺七枝皆死 靈帝意平二年東東海出大魚二枚長八九丈高 池中有三截鼓烧死樹大四圍巢去地五丈五尺易 大餘京房易傳曰海數見巨魚邪人進賢人疎 日鳥焚其巢旅人先笑後號吡後卒成易世之禍云 史神记

成帝級和二年三月天水平裏有些生雀哺食至大俱 成帝級和二年二月大殿馬生角在左耳前圍長各二 金发正五百雪里 寸是時王恭為大司馬害上之前自此始矣 髮稍長大凡長六寸一分京 房易傳曰王德哀下人 **麵皆具亡髮耳至哀帝建平三年十月汝南西平遂** 飛去京房易傳日賊臣在國於各族生雀諸侯銷又 陽鄉有材仆地生枝如人形身青黄色面白頭有髭 將起則有木生為人狀其後有王恭之篡

漢京帝建平三年定襄有牡馬生駒三足随草飲食五 哀帝建平三年零陵有樹僵也圍一丈六尺長七丈七 京帝建平四年四月山陽方與女子田無番生子先未生 房易傳曰棄正作淫厥妖木斷自屬妃后有駒木仆 反立斷枯復生 行志以為馬國之武用三足不任用之象也 尺民斷其本長九尺餘皆枯三月樹卒自立故處京 日生非其類子不嗣世

哀帝建平中豫章有男子化爲女子嫁爲人婦生 哀帝建平四年夏京師郡國民聚會里卷阡陌設張博 多过四国全書 嫁爲人婦生一子者將復一世乃絕故後哀帝廚平 長安陳鳳日陽變為陰將亡繼嗣自相生之象一日 具歌舞祠西王母又傅書曰母告百姓佩此書者不 過聞兒啼聲母因掘收養之 死不信我言視門樞下當有白髮至秋乃止 二月前兒啼腹中及生不舉葬之陌上後三日有人

漢平帝元始元年六月長安有女子生兒兩頭異頸面 漢平帝元始元年二月朔方廣收女子趙春病死既棺 易傳回喉孤見豕負塗厥妖人生兩頭下相攘善 俱相向四臂共胷俱前向尻上有目長二寸所京房 不當死太守譚以聞說曰至陰爲陽下人為上厥妖 **颁積七日出在棺外自言見夫死父日年二十七汝** 帝沒而王莽篡馬 死復生其後玉茶篡位 叟神礼

我定匹棒全書 漢章帝元和元年代郡髙柳烏生子三足大如雞色赤 成凶也 敬也上體生于下媒演也生非其類好亂也人生而 亦同人若六畜首目在下兹謂七上政將變更厥妖 那也足少下不勝任或不任下也凡下體生于上 頭有角長寸餘 **大上速成也生而能言好虚也羣妖推比類不改** 作以譴失正各象其類兩頸下不 卷六 也手多所任

漢桓帝元嘉中京都婦女作愁眉啼紅墮馬髻折腰步 漢桓帝建和三年秋七月北地康縣雨肉似羊肋或大如 漢桓帝即位有大蛇見德陽殿上洛陽市令淳于翼曰 いくこうこと 捕治家屬揚兵京師也 蛇有鳞甲兵之象也見于省中将有椒房大臣受甲 喬天下完之其後梁氏誅減 兵之象也乃棄官過去到延熹二年誅大將軍梁冀 手是時深太后攝政梁冀專權擅殺誅太尉李固杜 搜神犯

漢電市數遊戲於西園中令後官采女為客舍主人身 桓帝延熹五年臨沅縣有牛生雞兩頭四足 笑無復氣味也到延煮二年與舉宗合該 若齒痛樂不欣欣始自大將軍梁冀妻孫毒所爲京 愁敢眉啼哭吏卒掣頓折其腰脊令髻邪傾雖强語 都翁然諸夏效之天戒若曰兵馬將往收捕婦女憂 墮馬髻者作一邊折腰步者足不在下體 齲齒笑者 齲齒笑愁眉者細而曲折啼桩者薄拭目下若啼處 こうう 成之篡丹眉之妖篡盗短祚極于三六當有飛龍之 爲估服行至舍間采女下酒食因共飲食以爲戲樂 篡盖因母后之親十八年而山東賊樊子都等起實 秀與復祖宗又歷三七當復有黃首之妖天下大亂 丹其眉故天下號曰赤眉於是光武以與祚其名曰 矣自高祖建業至於平帝之末二百一十年而王恭 是天子將欲失位降在皂隸之話也其後天下大亂 古志有日赤厄三上三七者經二百一十載當有外 捷神記 十四

金河四月全書 黄天立歲名甲子年天下大吉起於都者天下始業 秀至於靈帝中平元年而張角起自稱黃天有衆三 財産流池道路死者無數角等初以二月起兵其冬 十六萬皆是黃市故天下號曰黃中賊至今道服由 十年而天下大亂漢祚廢絕實應三上之運 也會於真定也小民相向跪拜超信荆揚尤甚乃弃 此而與初起於都會於真定能感百姓日為天己死 二月悉破自光武中與至黃中之起未盈二百

靈帝建寧三年春河內有婦食夫河南有夫食婦夫 靈帝建寧中男子之衣好為長服而下甚短女子好為 有切武之逆兵革相殘骨肉爲舊生民之禍極矣故 陰陽二儀有情之深者也今反相食陰陽相侵豈持 長裾而上甚短是陽無下而陰無上天下未欲平也 日月之青哉靈帝既沒天下大亂君有妄缺之暴臣 後遂大亂 妖為之先作恨而不遭辛有屠乗之論以則其情 史中心

多分四月全書 靈帝喜平二年六月稚陽民訛言虎賣寺東壁中有黄 中平元年二月張角兄弟起兵冀州自號黃天三十 勝之 六方四面出和將即星布吏士外屬因其疲餧牽而 业 形容鬚眉良是觀者数萬省內悉出道路斷絕到 枝宿昔暴長長一丈餘廳大一圍作人狀頭目 熹平三年右校别作中有兩榜樹皆高四尺許其

トノス・フレ 靈帝光和二年洛陽上西門外女子生兒两頭異肩共 靈帝光和元年南宫侍中寺雌雞欲化為雄一身毛皆 騎鬚髮俱具其五年十月壬午正殿側有槐樹皆六 胸俱前向以為不祥墮地棄之自是之後朝廷霜亂 七圍自拔倒豎根上枝下又中平中長安城西北六 政在私門上下無別二頭之象後董卓戮太后被以 似雄但頭冠尚未變 上里空掛中有人面生屬其於洪範皆為木不曲直 搜神記

光和四年南宫中黄門寺有一男子長九尺服白衣中 光和七年陳留濟陽長垣濟陰東郡免句離林界中路 邊生草悉作人狀操持兵弩牛馬龍蛇鳥獸之形白 純舊說曰近草妖也是歲有黃中賊起漢遂微弱 黑各如其色羽毛頭目足翅皆備非但彷彿像之尤 夏後天使我為天子步欲前收之因忽不見 不孝之名放廢天子後復害之漢元以來禍莫瑜此 黄門解步呵問汝何等人白衣妄入宫板曰我梁伯

10 10 10 1 中平三年八月中懷陵上有萬餘准先極悲鳴己因亂 漢時京師賓好嘉會皆作魁煙酒酣之後續以挽歌魁 靈帝中平元年六月壬申雅陽男子劉倉居上西門 厚者還自相害至減亡也 **輕喪家之樂挽歌執絲相偶和之者天戒若曰國家** 者高大之象也雀者爵也天戒者曰諸懷爵禄而尊 妻生男兩頭共身至建安中女子生男亦兩頭共身 相殺皆斷頭懸者樹枝枳棘到六年靈帝崩夫陵 曳中包

靈帝之末京師謠言曰侯非侯王非王千乗萬騎上北 您员正明全世 漢獻帝初平中長沙有人姓桓氏死棺飲月餘其母聞 棺中有聲發之遂生占曰至陰爲陽下人爲上其後 深 常侍段珪等所執公鄉百僚皆隨其後到河上乃得 户有兼屍蟲而相食者魁糧挽歌斯之效乎 當急於戶諸貴樂皆死亡也自靈帝崩後京師壞減 **邙到中平六年史侯登蹋至尊獻帝未有爵號爲中** 

建安初荆州童谣曰八九年間始欲衰至十三年無孑 遺言自中與以來荆州獨全及劉表為收民又豐樂 山陽公 帝時亦有此變將有易代之事至二十五年獻帝封 落也十三年無了遺者表當又死因以喪敗也是時 至建安九年當始衰始衰者謂劉表妻死諸將並零 使冲犯

曹公由庶士起

献帝建安七年越高有男子化為女子時周霍上言哀


建安二十五年正月魏武在洛陽起建始殿代濯龍樹 多分四月全書 續又歌吟日不意李立為貴人後無幾曹公平荆州 華容有女子忽啼呼曰將有大喪言語過差縣以為 妖言繋獄月餘忽於獄中哭曰劉荆州今日死華容 而血出又掘徒梨根傷而血出魏武惡之遂寢落是 去州數百里即遣馬里驗視而劉表果死縣乃出之 月崩是歲為魏丈黃初元年 以涿郡李立字建賢為荆州刺史

こうずいこ 魏齊王嘉平初白馬河出妖馬夜過官收邊鳴呼衆馬 魏黃初元年未央宫中有應生燕巢中口爪俱赤至青 魏景初元年有燕生巨殼于衛國李盖家形岩鷹吻似 龍中明帝為凌霄閣始構有關果其上帝以問高堂 來巢此宫室未成身不得居之象也 旅高堂隆曰此魏室之大異宜防應楊之臣於蕭牆 皆應明日見其跡大如斛行數里還入河 隆對曰詩云惟鹊有巢惟鸠居之今與起宫室而鹊 搜冲犯 **十九** 

蜀景耀五年宫中大樹無故自折熊周深憂之無所與 金分四月全重 言乃書柱曰衆而大期之會具而授若何復言曹者 大也衆而大天下其當會也具而授如何復有立者 之内其後宣帝起該曹爽遂有魏室 龙六

吳孫權太元元年八月朔大風江海涌溢平地水深入 權死 拔高陵樹二千株石碑差動吳城兩門飛落明年

乎 蜀既亡咸以周言爲驗



	-	· <u></u>		
搜神記卷六				本がに入口下門人口可能
六				
			·	基六
		·		
		<u> </u>		

欽定四庫全書 初漢元成之世先識之士有言曰魏年有和當有開 備於太和周圍上尋中高 鳳皇仙人之泉粲然咸著此一事者魏晉代與之 也至晉泰始三年張掖太守焦勝上言以留郡本國 張掖之柳谷有開石馬始見於建安形成於黄初文 於西三千餘里繁五馬文曰大討曹及魏之初與也 搜神記卷七 ! 變神紀 似蒼質素章龍馬鮮鹿 晉 干實 撰

金以及正月至書 晉武帝泰始初衣服上儉下豐著衣者皆厭腰此君東 馬象其一 弱臣放縱之象也至元康末婦人出兩檔加乎交領 之上此內出外也為車来者台貴輕細又數發易其 圖校今石文文字多少不同謹具圖上案其文有五 有開壽其一成行曰金當取之 形皆以白陰為統盖古喪車之遺象晉之禍後也 而不成其字有金有中有大司馬有王有大吉有正 一有人平上情執戟而来之其一有岩馬形 卷上

晉太康四年會稽郡蟛蜞及蟹皆化為鼠甚衆覆野大 らしこうし 太康五年正月二龍見武庫井中武庫者帝王威御之 胡床貊縣翟之器也羌凌貊炙翟之食也自太始以來 兆也 食稻為災始成有毛肉而無骨其行不能過田壁數 中國尚之貴人富室少畜其器吉事嘉賓皆以為先 器所實識也屋宇邃密非龍所處是後七年潘王相 日之後則皆為北 1--1 搜神記

太康九年幽州塞北有死牛頭語時帝多疾病深以後 晉武帝太康六年南陽獲兩足虎虎者陰精而居乎陽 害二十八年果有劉石僭竊神器皆字曰龍 事為念而付託不以至公思替亂之應也 金獸也南陽火名也金精入火而失其形王室亂之 河間王遂連四方之兵作爲亂階 日角兵象也四者四方之象當有兵革起于四方後 妖也其七年十一月景辰四角獸見於河間天戒若 卷火

太康中有鯉魚二枚現武庫屋上武庫兵府魚有鮮甲 初作後者婦人圓頭男子方頭蓋作意欲別男女也至 是其應也自是禍亂構矣京房易妖日魚去水飛入 專制誇殺太子尋亦該廢十年之間母后之難再與 道路兵且作 亦是兵之類也魚既極陰屋上太陽魚現屋上象至 失交官閥廢后為庶人死于幽宫元康之末西賈后 陰以兵革之禍干太陽也及惠帝初該皇后父楊駿 使冲包

晉時婦人結髮者既成以繒急東其環名曰頓子髻始 太康中天下爲晉世寧之舞其舜抑手以執杯盤而反 自宫中天下翕然化之也其末年遂有懷惠之事 太康中婦人皆方頭後與男無異此買后專好之徵 覆之歌曰晉世寧舜林盤反覆至危也林盤酒器也 也 而名曰晉世寧者言時人尚且飲食之間而其智不 可及遠如器在手也

晉武帝太熙元年遼東有馬生角在兩耳下長三寸 晉惠帝元康中 太康末京洛為折楊柳之歌其曲始有兵革苦辛之辭 男 帝晏駕王室毒於兵禍 之應也 泉角瑇 終以擒獲斬截之事自後楊駁被誅太后逃死楊 女 之别 **瑁之屬為谷銀戈戟而戴之以當穿** 國之大 婦人之餘 慢伸记 節 故 服食異等今婦人 有五 佩兵又以金 9 銀 柳

7 7 7 75 19 75	多けでた 自言 も七

惠帝元康中安豐有 元康 元 元康 康 城 而 男 不 五年 封雲 五年 七年 徹畜妻而 至十七八 北 門 亂 逕 霹 三月 三月吕縣 徐、 從市 憲 140 無 臨 而 破 氣性 稅 淄 子 城 傷數萬人 有 漢城 有大蛇長十許夫員二小蛇 女子曰周世寧年 南 流 成女 高 陽景王 血東西百 襟 體 石高 化而不盡男 祠 襟 中 餘步其後 宫中求子 不 八成漸 見 體成 化 載 而

元康中天下始相做為烏杖以柱被其後稍施其 元康中贵游子弟相與為散髮俱身之飲對弄婢妾近 帝以藩臣樹德東方維持天下柱被之應也 鳅 之者傷好非之者負識希世之士恥不與馬其後遂 也 也買后如忌將殺懷愍故天怒買后將該之應 劉石之亂 住則植之及懷愍之世王室多故而中都喪敗元 0

太安中江夏功曹張騁所来牛忽言曰天下方亂吾甚 ここ アニ 太安元年四月有人自雲龍門入殿前北面再拜日我 惠帝太安元年丹陽湖熟縣夏架湖有大石浮二百步 當作中書監即收斬之禁庭尊秋之處今賤人竟 極為来我何之賜及從者數人皆驚怖因給之日令 遷長安宫闕遂空馬 而門衛不覺者官室將虚下人踰上之妖也是後帝 而登岸百姓驚歎相告曰石來尋而石氷入建都 曳神记

瑞聖人當世從軍者皆絳林頭以彰火德之祥百姓 昌賊起先畧江夏莊曜百姓以漢祚復與有鳳凰之 皆破亡乎賜還家牛又人立而行百姓聚觀其秋張 也轉益憂懼松而不言安陸縣有善卜者轉從之卜 汝還勿復言乃中道還至家未釋駕犬又言曰歸何早 波盪從亂如歸轉兄弟並為將軍都尉未幾而敗於 上者日大凶非一家之禍天下將有兵起一郡之内 即破殘死傷過半而轉家族矣京房易妖日牛

晉惠帝永與元年成都王之攻長沙也反軍於影内! 元原太安之間江淮之域有敗屬自聚於道多者至四 勞辱下民之象也敗者疲弊之象也道者地里四方 或云見裡街而聚之世之所說屬者人之賤服而當 能言如其言占古凶 五十量人或散去之投林草中明日視之悉復如故 民疲病將相聚為亂絕四方而壅王命也 所以交通王命所由往來也今敗為聚於道者象下

晉懷帝水嘉元年吳郡吳縣萬詳婢生一子鳥頭雨足 水嘉五年枹罕令嚴根婢産一龍一女一鵝京房易傳 水嘉五年吳郡嘉與張林家有狗忽作人言云天下人 陳兵是夜戟鋒皆有火光遥望如懸燭就視則亡馬 其後終以敗亡 馬蹄一手無毛尾黄色大如椀 帝之後四海沸騰尋而陷於平陽為逆曜所害 日人生他物非人所見者皆為天下大兵時帝永惠

永嘉六年正月無錫縣歇有四株菜英樹相樛而生狀 人傳餓死於是果有劉石之亂天下饑荒馬 **水嘉五年十一月有堰鼠出延陵郭璞筮之遇臨之益** 里必有作逆者及此木生其後吳與徐馥作亂殺太 **抬連理先是郭璞冤延陵堰鼠遇臨之益曰後當復** 有妖樹生岩瑞而非辛螫之木也儻有此東西數百 日此郡之東縣當有妖人欲稱制者尋亦自死矣

皆魏武軍中無故作白恰此總素凶喪之 般也 初横維 水嘉中士大夫競服生箋單衣識者怪之日此古練練 水嘉中壽春城內有承生人兩頭而不活周馥取而觀 後懐愁晏傷 所敗 之識者云豕北方畜兩頭者無上也生而死不遂也 天戒若曰易生專利之謀將自致傾覆也俄為元帝 布諸侯所以服天子也今無故服之殆有應乎其

晉愁帝建與四年西都傾覆元皇帝始爲晉王四海宅 輕之貌也其緩彌甚者言天下七禮與義放縱情性 崩下人悲難無顏以生馬 自立髮被於額目出而已無題者愧之言也覆額者 其缝名無顏恰而婦人束髮其緩彌甚紒之堅不能 其前以別後名之曰顏恰傳行之至永嘉之間稍去 及其終極至於大耻也其後二年永嘉之亂四海人 心其年十月二十二日新蔡縣吏任喬妻胡氏年 史中已

多近四月全書 猶以爲瑞今二人同心天垂靈象故易云二人同心 盖大下未一之妖也時內史吕會上言按瑞應圖云 十五產二女相向腹心合自腰以上臍以下各分此 故士不可以不學古人有言木無枝謂之魂人不學 不勝喜躍謹畫圖上時有識者晒之君子日知之難 **異根同體謂之連理異故同類謂之嘉木草木之屬** 也以城文仲之才猶祀爰居馬布在方册千載不忘 其利斷金休顯見生於陳東之國盖四海同心之瑞

晉元帝建武元年六月揚州大旱十二月河東地震去 1. Ja. Ja .... 1.1 晉元帝建武元年七月晉陵東門有牛生讀 謂之瞽當其所般盖闕如也可不勉乎 年十二月斬督運命史淳于伯血逆流上柱二丈三 京房易傳曰牛生子二首一身天下将分之象也 人旋復下流四尺五寸是時淳于伯冤死遂頻早三人 刑罰妄加羣陰不附則陽氣勝之罰又冤氣之應 搜神記 體兩頭

太與二 太與元年三月武昌太守王該有牛生子兩頭八足 太與初有女子其陰在腹當腳下自中國來至江東其 九帝太與元年四月西平地震涌水出十二 章武昌西陵地震涌水出山崩此王敦陵上之應也 而死此政在私門一頭之象也其後王敦陵上 一年後苑中有牛生子一足三尾生而即死 年丹陽郡吏濮陽演馬生駒兩頭自項前别生 一腹不能自生十餘人以絕引之子死母活其 月廬陵豫

太與中兵士以終囊縛於識者曰於在首為乾君道也 太與中王敦鎮武昌武昌災火起與衆於之投於此而 ことしていたと 發於彼東西南北數十處俱應數日不絕舊說所謂 濫災妄起雖與師不能殺之之謂也此臣而行君亢 京房易妖曰人生子陰在首則天下大亂若在腹則 性淫而不産又有女子陰在首居在揚州亦性好淫 陽失節是時王敦陵上有無君之心故災也 天下有事若在肯則天下無後 搜神九

太與四年王敦在武昌鈴下儀仗生花如蓮花五六日 多分四月月香書 爲衣者上帶短幾至於掖著帽者又以帶縛頂下逼 東者為坤臣道也今以朱囊轉於臣道侵君之象也 **木又在鈴閣之間言威儀之富樂華之威皆如狂花** 而王敦謀逆再攻京師 上上無地也為務者直幅無口無殺下大之象也尋 而姜落說曰易說枯楊生花何可久也今狂花生枯 之發不可久也其後王敦終以逆命加戮其尸

晉明帝太寧初武昌有大蛇常居故神祠空樹中每出 舊為羽扇柄者刻木泉其骨形列羽用十取全數也初 頭從人受食京房易傳曰蛇見于邑不出三年有大 者尤之曰夫羽扇翼之名也創為長柄將執其柄以 制其羽翼也改十爲八將未備奪已備也此殆敢之 擅權以制朝廷之柄入將以無德之材欲竊非據 兵國有大憂尋有王敦之逆 王敦南征始改為長柄下出可捉而減其羽用八識 搜神犯 †

搜神記卷七				
10				
				<b>老</b>
			-	
		i I		
			{	
	<u></u>	<u></u>		

湯既克夏大旱七年洛川竭湯乃以身禱於桑林朝其 虞舜耕於悉山得玉悉於河際之嚴舜却天命在己體 人ですることろ 欽定四庫全書 爪髮自以為犧牲祈福於上帝於是大雨即至治於四 海 道不倦好龍顏大口手握褒宋均註曰握褒手中 褒字喻從勞苦受褒飭致大祚也 搜神記卷 干寳

魯哀公十四年孔子夜夢三棍之間豊沛之邦有亦亂 武王伐紂至河上雨甚疾雷晦实揚波於河泉甚懼武 呂望釣於消陽文王出遊獵占曰今日獵得一行非龍 からしてろうド 語大悦同車載而逐 街見易兒打麟傷其左前足束新而覆之孔子曰兒 非确非熊非熊合得帝王即果得太公於渭之陽與 新起乃呼顔回子夏同往觀之驅車到楚西北范氏 王曰余在天下誰敢干余者風波立濟

孔子修春秋制孝經既成齊戒向北辰而拜告備於天 **やます」ここ** 來汝姓為誰兒曰吾姓為赤松名時為字受紀孔子 日汝豈有所見子兒日吾所見一禽如屬年頭頭上 **乳起火耀與女丘制命帝卯金** 寸長八寸每卷二十四字其言赤劉當起日周亡赤 有角其末有內方以是西走孔子曰天下已有主也 孔子孔子超而往麟向孔子蒙其耳吐三老圖廣三 為赤劉陳項為輔五星入井從成星兒發新下麟示 搜神記

秦務公時陳倉人抵地得物若羊非手若猪非猪牵以 金げているる 化為难飛入平林陳倉人告務公務公發徒大獵果 獻務公道连二童子童子回此名為媼常在地食死 寶得雄者王得雌者伯陳倉人拾媼逐二童子童子 乃洪鬱起自霧摩地白虹自上而下化為黃玉長三 金刀在軫北字禾子天下服 尺上有刻文孔子跪受而讀之曰賓文出劉李握卯 八脳若欲殺之以相挿其首媼曰被二童子名為陳

宋大夫那此子臣明於天道周敬王之三十七年景公 C. Time Milling 於南陽 問曰天道其何祥對曰後五十年五月丁亥臣將死 陳寶其雄者飛至南陽今南陽雉縣是其地也春欲 表其符故以名縣每陳倉祠時有赤光長十餘文從 死後五年五月丁卯吳将亡亡後五年君將終終後 維縣來入陳倉祠中有聲殷殷如雄雄其後光武起 得其雌又化為石置之所消之間至文公時為立祠 找神紀

英以草創之國信不堅固邊屯守將皆質其妻子名曰 ないけんでんとうし 謬也 安三年三月有一典兒長四尺餘年可六七歲衣青 保質童子少年以類相與好遊者日有十数游休水 錯未知形史失其數即將年代久遠注記者傳而有 問魏之與也都曹姓魏亦曹姓皆都之後其年數則 四百年都王天下俄而皆如其言所云都王天下者 衣忽來從摩兒戲諸兒莫之識也皆問曰兩誰家小

恐我乎我非人也乃熒惑星也將有以告兩三公歸 府吳政峻急其敢宣也後四年而獨亡六年而魏 於司馬諸兒大為或走告大人大人馳往觀之兒日 紀今日忽水答曰見爾產 舍爾去乎聲身而雖即以化矣仰而視之若曳一疋 二十一年而吳平是歸於司馬也 有光芒熵熵外射諸兒畏之重問其故兒乃春日爾 小以登天大人來者猶及見馬飄飄漸高有項而沒 搜神記 殿樂故水耳洋而視之眼

都水馬武舉載洋為都水今史洋請急還鄉將赴洛夢 多近四月百十 搜神記卷八 神人謂之日洛中當敗人盡南波後五年揚州必有 天子洋信之遂不去既而皆如其夢

後漢中與初汝南有應樞者生四子而盡見神光照社 車騎將軍巴郡馮銀字鴻卿初為議郎發緩笥有二赤 欽定四庫全書 探得黄金自是子孫官學並有才名至踢七世通觸 蛇可長二尺分南北走大用爱饰許李山派憲字率 極見光以問上人上人曰此天祥也子孫其與子乃 搜神記巻九 方得其先人秘要經請使上云此吉祥也君後三歲 ごうえへに 披神記 晉 干實撰

京兆長安有張氏獨處一室有鳩自外入止於牀張氏 常山張顏為深州收天新雨後有鳥如山鵲飛翔入市 金月でたろうと 後官至太尉 **衡夷上言充舜時情有此官今天降印宜可復置調** 文曰忠孝侯印顥以上間藏之私府後議郎汝南樊 忽然墜地人争取之化為圆石顆椎破之得一金印 軍南征居無何拜尚書郎發東太守南征將軍 當為邊形東北四五里官以東為名後五年從大將

漢征和三年三月天大雨何比干在家日中夢貴客車 鉤云 求於是實鉤以反張氏張氏複昌故關西稱張氏傳 楊飛入懷以手探之則不知鳩之所在而得一金鉤 買亦數雅躬厄不為己利或告之曰天命也不可力 遂實之自是子務斯富資財萬倍到買至長安開之 乃厚路婢婢竊鉤與買張氏既失鉤漸漸哀耗而蜀 祝曰鳩來為我禍也飛上水塵為我福也即入我懷 う!! こ! 搜补記

魏舒字陽元任城樊人也少孤當詣野王主人妻夜産 中符策狀如簡長九寸凡九百九十枚以授比干曰 俄而間車馬之聲相問回男也女也回男書之十五 子添佩印經者當如此其 騎滿門覺以語妻語未已而門有老嫗可八十餘頭 以兵死復問寢者為誰曰魏公舒後十五載指主人 白求寄避雨雨甚而衣不沾漬雨止送至門乃謂比 于曰公有陰德今天錫君策以廣公之子孫因出懷

買誼為長沙王太傅四月庚子日有鵬鳥飛入其舍止 志馬 去誼忌之故作鵬鳥賦齊死生而等禍福以致命定 問所生兒何在回因條桑為斧傷而死舒自知當為 教授諸生滿堂庫鵝雁數十在中庭有狗從外入嚙 於坐隅良久乃去誼發書占之曰野鳥入室主人將 公矣 居攝東郡太守程義知其將篡漢謀舉義兵兄宣 梭种犯

異諸葛恪征淮南歸將朝會之夜精爽擾動通夕不寐 魏司馬太傅懿平公孫淵斬淵父子先時淵家數有怪 金罗巴尼西哥 市生肉長園各數尺有頭目口塚無手足而動摇占 之皆死驚救之皆斷頭狗走出門求不知處宣大惡 嚴畢超出大街引其衣恪曰犬不欲我行即出仍入 者曰有形不成有體無聲其國滅亡 之數日恭夷其三族 犬著冠情終衣上屋歇有小兒燕死節中寒平北

吳戌將都喜殺豬祠神治軍懸之忽見一人頭往食肉 是大小知格死矣而更兵尋至 其妻在室語使婢曰兩何故血臭婢曰不也有頃愈 喜引亏射中之咋咋作聲統屋三日後人白喜謀叛 至於棟攘臂切齒而言曰諸葛公乃為深峻所殺於 劇又問好日汝眼目瞻視何以不常婢慶然起雖頭 坐少頃復起犬又街衣恪今從者逐之及入果被殺 便伸記

買充伐买時常屯項城軍中忽失充所在充帳下都督 使任愷熙汝而不去又使庾純晋汝而不改今吳寇 失充乃出尋索忍親所夢之道逐往求之果見充行 指亂吾家事者必丽與**筍助既惑吾子文亂吾孫問** 當平汝方表斬張華汝之暗類皆此類也若不俊慎 當旦夕加誅充因叩頭流血府公曰汝所以延日月 至一府舍侍衛甚盛府公南面坐聲色甚屬謂充日 周勤時畫服夢見百餘人錄充引入一徑勤點覺見

庾亮字文康鄢陵人鎮荆州登風忽見風中一物如方 ノニー ハーニー 勘亦宜同然其先徳小濃故在汝後數世之外國嗣 亦替言畢命去充忽然得還營顏色憔悴性理昏錯 考竟用太杖終皆如所言 經日乃復至後謚死於鍾下買后服金酒而死買午 康之間大子斃於金酒之中小子因於枯木之下 相兩眼盡亦身有光耀漸漸從土中出乃攘臂以奉 而名器若此者是衛府之數耳然當使係嗣死於鍾 披神記

東陽劉龍字道弘居於湖熟每夜門庭自有血數 金字四五八十二 此鬼所考不可救也明年亮果亡 峻事公於白石祠中祈福許賽其年從來未解故為 擊之應手有虧縮入地因而寢疾術士戴洋曰昔此 搜神記卷九 **將行而炊飲盡變為虫其家人然炒亦變為虫其火** 愈猛其虫愈壯龍遂北征軍敗於壇丘為徐龍所殺 不知所從來如此三四後龍為折衝將軍見遣北征

漢和喜都皇后常夢登梯以們天體務務正清滑 孫堅大人吳氏孕而夢月入懷已而生策及權在孕又 欽定四庫全書 有若鍾乳状乃仰喻飲之以訊諸占夢言充夢攀天 夢日入懷以告堅日妾昔懷策夢月入懷今又夢日 搜神記卷十 何也堅曰日月者陰陽之精極貴之象吾子派其與 而上湯夢及天抵之斯皆聖王之前占也吉不可言 使神記 干實撰

周擊情者貧而好道大婦夜耕用息臥夢天公過而哀 漢察茂字子禮河内懷人也初在廣漢夢坐大股極上 生うとうとう 之为所以禄也衰職有關君其補之旬月而茂徵馬 禄也取中稳是中台之象也於字禾失為秩雖曰失 慣假日大殿者官府之形象也極而有未人臣之上 有禾三魏茂取之得其中穗輒復失之以問主簿郭 之物外有以給與司命按錄籍云此人相貧限不過

くこし ここ ここし 歸之矣自是居日哀減車子長大富於周家 夢從天換錢外白以張車子錢貸我必是子也財當 在車屋下而生夢天告之名為車子問乃悟曰吾昔 視哀其狐寒作粥麼食之問當名汝兒作何嫗日今 有身月滿當孕便遣出外駐車屋下產得兒主人往 朝得 貨至千萬光時有張嫗者當住周家偏賃野台 天公曰善曙覺言之於是大婦戮力晝夜治生所為 此惟有張車子應賜錢千萬車子未生請以借之 授神記

吳選曹令史劉卓病篤夢見一人以白越單彩與之言 淮南書佐劉雅夢見青蜥蜴從屋沒 火浣之 曰汝者衫行火烧便潔也卓覺果有衫在側汙期 其額回審雨堂 陽園汾字士游學入蟻穴見堂字三間勢甚危 院與為武威太守其妻夢帝與印綬**登樓而歌**覺 其腹内因苦腹

漢靈帝夢見桓帝怒曰宋皇后有何罪過而聽用和聲 吳時嘉興徐伯始病使道士呂石安神座石有弟子戴 使絕其命渤海王悝既已自敗又受誅斃今宋氏及 悝自訴於天上帝震怒罪在難救夢殊明察帝既覺 而恐尋亦崩 州兵圍急猛恥見擒乃登樓自焚而死 楼後生子極建安中果為武威太守殺刺史邯郸商 以告與與今占之曰夫人方生男後臨此都命終此

會指謝奉與永嘉太守郭伯武善謝忽夢郭與人於浙 委员四月白言 間一日三人同時死 家别不卒事而去伯始怪而留之日懼不得見家也 **凶事及覺即住那許其國恭良久謝云卿却吾來意** 本王思二人居住海鹽伯始迎之以助石畫臥夢上 江上争摆捕錢因為水神所責婚水而死已管理郭 八北斗門下見外鞍馬三匹云明日當以一 迎思石夢覺語本思云如此死期可急還與

嘉與徐泰幼喪父母权父隗養之甚於所生隗病泰尝 錢如鄉所夢何期太的的也須更如厠便倒氣絕謝 箱出簿書示曰汝权應死泰即於夢中即頭祈請良 侍甚勤是夜三更中夢二人栗船持箱上 為山具一如其夢 否因說所夢郭聞之恨然云吾昨夜亦夢與人爭 久二人曰汝縣有同姓名人否泰思得語二人云張 不姓徐二人云亦可强逼念汝能事叔父當為汝 史中记

活之逐不復見泰覺政病乃差